

Predstavnici kineske kompanije “North China Power Engeneering” (NCPE) Yubin Diao i Vladislav Kačanovskij sa suradnicima posjetili su Agenciju za unapređenje stranih investicija u BiH (FIPA) sa ciljem da se informiraju o investicionim potencijalima Bosne i Hercegovine u oblasti energetike i saobraćaja.

Nakon prezentacije o prirodnim resursima u oblasti energetskog sektora, razlozima za investiranje u ovaj sektor, tržištu električne energije, strukturi proizvodnje električne energije, operativnim troškovima, kineski investitori su izrazili poseban interes za projekte termoelektrana u BiH “Kongora”, “Miljevina” i “Kakanj”- Blok 8, kao i za projekte autoputeva, željeznica i aerodroma, saopšteno je iz FIPA-e.

Direktor FIPA-e Gordan Milinić obećao je pomoć pri realizaciji projekata koje kineska kompanija odabere, kao i organiziranje sastanaka sa nosiocima projekata.

NCPE je osnovana 1955. godine i vodeća je kompaniji u Kini u oblasti energetike, sa učešćem od 10% na tržištu električne energije u Kini. U posljednjih 60 godina izgradili su veliki broj elektrana čija ukupna snaga iznosi 100.000 Mw/h. Također se bave izgradnjom vjetro i solarnih elektrana. Osim toga, posluju u oblasti putne infrastrukture, kao i plinske i naftne industrije.

Zainteresirani su za suradnju sa BiH po svim osnovima, uključujući i program “Kina + 16”.
izvor: ekapija.com